



Province of the  
**EASTERN CAPE**  
EDUCATION

**NATIONAL  
SENIOR CERTIFICATE**

**IBANGA 12**

**SEPTEMBER 2010**

**ISIXHOSA ULWIMI LOKUQALA OLONGEZELELWEYO – IPHEPHA LESIBINI**

**AMANQAKU: 70**

**IXESHA: 2 iiyure**



---

Olu viwo lunamaphepha ali – 18.

---

**IMIYALELO NENGACISO**

Fundisisa le miyalelo phambi kokuba uqale ukuphendula imibuzo.

1. Nceda ufunde eli phepha ngenyameko phambi kokuba uphendule imibuzo
2. Sukuzama ukufunda lonke iphepha. Yiya kwisiquatho kwiphepha elilandelayo uze uphawule amanani asetwe kwiincwadi ozifundileyo kulo nyaka. Emva koko, funda le mibuzo uze ukhethe ofuna ukuyiphendula.
3. Eli phepha linamacandelo amane:

ICANDELO A:	Inoveli	(35)
ICANDELO B:	Idrama	(35)
ICANDELO C:	Amabali amafutshane	(35)
ICANDELO D:	Isihobe	(35)
4. Landela imiyalelo ngononophelo ekuqaleni kweCandelo ngalinye.
5. Phendula imibuzo emiBINI iyonke: umbuzo omNYE okhethwe nakwawaphi amacandelo amaBINI. Sebenzisa uluhlu lokukhangela ukukunceda.
6. Bhala iimpendulo zakho ngokuchanekileyo ngokwendlela yokunombola esetyenzisiweyo kwiphepha lemibuzo.
7. Qala iCandelo ngalinye kwiphepha ELITSHA.
8. Bhala ngokucekileyo nangokucacileyo.
9. Ingcebiso yokulawula ixesha: Sebenzisa imizuzu engama-60 kwiCandelo ngalinye olikhethileyo.
10. Umthamo wempendulo mawulawulwe linani lamanqaku.

**IPHEPHA LESIQUATHO**

Eli phepha liza kunceda abafundi bakwazi ukukhetha imibuzo abafuna ukuyiphendula ngaphandle kokufunda lonke iphepha.

**ICANDELO A: INOVELI**

Phendula umbuzo ube MNYE kweli Candelo.

<b>INANI LOMBUZO</b>	<b>UMBUSO</b>	<b>AMANQAKU</b>
1. KUSA KUSIHLWA	Umbuzo omde	35
<b>OKANYE</b>		
2. KUSA KUSIHLWA	Umbuzo omfutshane	35
<b>OKANYE</b>		
3. UMQOL'UPHANDLE	Umbuzo omde	35
<b>OKANYE</b>		
4. UMQOL'UPHANDLE	Umbuzo omfutshane	35

**ICANDELO B: IDRAMA**

Phendula umbuzo OMNYE kweli Candelo.

5. NDIYEKENI	Umbuzo omde	35
<b>OKANYE</b>		
6. NDIYEKENI	Umbuzo omfutshane	35

**ICANDELO C: AMABALI AMAFUTSHANE**

Phendula umbuzo ube MNYE kweli Candelo.

7. NDAKUYICEL'IVUTHIWE	Umbuzo omde	35
<b>OKANYE</b>		
8. NDAKUYICEL'IVUTHIWE	Umbuzo omfutshane	35

**ICANDELO D: ISIHOBE**

Phendula nayiphi imibuzo emiBINI kweli Candelo.

9. IMOTO EQHINENI	Umbuzo omfutshane	17½
<b>OKANYE</b>		
10. IMINGCUNUBE	Umbuzo omfutshane	17½
<b>OKANYE</b>		
11. UMHLOBO WENENE	Umbuzo omfutshane	17½
<b>OKANYE</b>		
12. UMNTU ONESIDIMA	Umbuzo omfutshane	17½

**ULUHLU LOKUKHANGELA**

<b>ICANDELO</b>	<b>AMANANI EMIBUZO</b>	<b>INANI LEMIBUZO EPHENDULWEYO</b>	<b>BHALA IMIBUZO OYIPHENDULEYO</b>
A: Inoveli (Umbuzo omde OKANYE umbuzo omfutshane)	1-4	1	
B: Idrama (Umbuzo omde OKANYE umbuzo omfutshane)	5-6	1	
C: Amabali amafutshane (Umbuzo omde OKANYE umbuzo omfutshane)	7-8	1	
D: Isihobe	9-12	1	

**ICANDELO A: INOVELI****UMBUZO 1****KUSA KUSIHLWA – KS Bongela: UMBUZO OMDE**

Ngqina uluvo oluthi uNomakhwezi ungunobangela wako konke okwenzekayo emzini wakhe.

**[35]****OKANYE****UMBUZO 2****KUSA KUSIHLWA – KS Bongela: UMBUZO OMFUTSHANE**

2.1 Funda ezi zicatshulwa zilandelayo uze uphendule imibuzo.

Njengesiqhelo semihla ngemihla, abantu babeyimiqodi ukuza kuthenga. Ewe babesiza kunika inkxaso, kodwa bakhona ababesiza ngenjongo yokuza kuncokola nokuza kusela umoya ongendawo. Kaloku uNomakhwezi wayeneqela lezihlobo zabasetyhini. Zazikhona ezi zazimthuthela iindaba zelokishi jikelele. NeZizikazi ke nalo lalizisela lizibhimbe lide lizityekeze. Phofu banjalo oonovenkile ngokwazi iindaba zelali, ezesikolo, zenqila, zeCawa njalo njalo. Uthi ungena nje evenkileni ubone ngokuncuma kukanovenkile ukuba ibikhe yakho ibithethwa ngawe. Wokubunguzelela abe ngathi unobubele kuwe kuba efuna uthenge kanti umzimba wakhe uzele intsini zizinto ebezithethwe ngawe ungekafiki.

- 2.1.1 Kuthetha ukuthini ukuthi abantu babesiza beyimiqodi? (1)
- 2.1.2 Nika igama lelokishi ekuyo le venkile. (1)
- 2.1.3 Ngubani igama lomyeni kaNomakhwezi? (1)
- 2.1.4 Liphi ikhaya laba babini kuthethwa ngabo kwisicatshulwa? (1)
- 2.1.5 Ngubani umhlobokazi kaNomakhwezi? (1)
- 2.1.6 Lo umchaze ku-2.1.5 ebedume ngantoni? (1)
- 2.1.7 Babuqale phi ubuhlobo bukaNomakhwezi nalo mhlobokazi wakhe? (1)
- 2.1.8 Kukuthini ukubunguzelela, sesiphi isilwanyana esaziwa ngokubunguzelela umnikazi waso? (2)
- 2.1.9 Umntu osoloko ethutha indaba kuthiwa u... Gqibezela? (1)
- 2.1.10 Zithini iindaba aziphathelwe ngumhlobokazi wakhe, ezi athi zithethwa ngabantu belokishi ngale venkile? (2)
- 2.1.11 Uzamkele njani yena uNomakhwezi ezi ndaba, ucinga ukuba yindlela elungileyo leyo, wena ubuya kuthini? (3)

**[15]**

- 2.2 "He wethu Lungile, uzama ukundixelela ukuba andinangqondo, andibhadlanga, andiyazi into endiyithethayo? Xa unesidenge esindim uncekelele ntoni ukuhlala naso? Ewe kaloku ndisisidenge kuba kaloku bakhona **ooNonkazimlo** abakucebisayo ukuba musa ukubafuna abantu bakuthi ndawonye nam. Sekucacile ukuba andisengomfazi ekhaya apha. Sebekhona aba ubathembise ukuba andiseyonto kulo mzi. Kanti nichitha ixesha nje mfana kaNtsibande, andisoze ndiye ndawo. Ndingafana ndisesi sidla ubulongo, into engazi kwenzeka yona yile yokuba umane ucetyiswa emacaleni ufike sewuphefumlela phezulu, undibikela le nale emzini wam Lungile.

- 2.2.1 Nika isithethi sala mazwi angentla. (1)
- 2.2.2 Kwenzeke ntoni le idala ukuba sithethe ngolu hlobo esi sithethi? (2)
- 2.2.3 Ngoobani ooNonkazimlo? (2)
- 2.2.4 Chaza le ntetho ngamagama alula, "Ndingafana ndisesi sidla ubulongo". (2)
- 2.2.5 Lo uthethayo apha, ukhathazekile okanye wonwabile? Xhasa impendulo yakho. (2)
- 2.2.6 Ziyinyani okanye aziyonyani ezi zityholo abekwa zona uLungile? Nika isizathu sempendulo yakho. (2)
- 2.2.7 Ucinga ukuba yindlela eyamkelekileyo le yokuphendula ngolu hlobo kukaNomakhwezi kuLungile? Xhasa impendulo yakho. (3)
- 2.2.8 Chonga igama elithetha into enye negama "ukunyamezela" apha kwesi sicutshulwa. (1)

[15]

- 2.3 Ukuza kuthi xhaxhe kwesi sithuba besekuqengqeleke iinyanga ezininzi kakhulu ukususela oko uyise kaMpumelelo wangena kulo msebenzi mtsha wokujikeleza ufuna amalungu okuqinisekisa ngobomi bawo.

Wakumkhangela ngeliso lo mfo ubunokuphawula ukuba ngathi noko ezi ngcinga anazo ngalo mzi wakhe azimenzi nto ncam kuba usuke wayimbishimbishi ngenxa yesisu esikhulu nesiqu, into ekufaneleka ngathi yayidalelwe kwimpahla yasemlungwini.

- 2.3.1 Usebenza kumzi wantoni ngoku uLungile? (1)
- 2.3.2 Yintoni emenza washiya umsebenzi wakhe wangaphambili? (2)
- 2.3.3 Caphula amagama kwisicutshulwa anokwenza ukuba umntu ongamaziyo uLungile acinge ukuba wonwabile? (2)

[5]

[35]

## OKANYE

**UMBUZO 3****UMQOL'UPHANDLE - PM Ngani: UMBUZO OMDE**

UEddie lo kuyacaca ukuba ungudlalani. Ucinga okokuba kula maxesha siphila kuwo umntu onje ngoEddie uyingozi njani kwimpilo yakhe kunye naleyo yabantu athandana nabo? Ngqina le ntetho.

**[35]****OKANYE****UMBUZO 4****UMQOL'UPHANDLE – PM Ngani: UMBUZO OMFUTSHANE**

4.1 Funda ezi zicatshulwa zilandelayo uze uphendule imibuzo.

lindaba ezisematheni sisihloko esiphume kwiphephandaba ngokubulawa kuka-Eddie noLulama ngokungenalusini. Imoto ababekhwele kuyo ngobusuku obudlulileyo ibubutyobo. Izidumbu ziyintlama. Lo ngumbono ohambisa umzimba, umasikizi, kuba naloo moto ibetheke epalini kagesi. Owona mba urhanisayo nodla umzi kukudutyulwa kukaEddie ngevolovolo .38 automatic.

4.1.1 Yintoni edibanisa aba babini bachazwe kwesi sicatshulwa singentla? (1)

4.1.2 Kuthetha ukuthini ukuthi, "lindaba ezisematheni"? (2)

4.1.3 Besivela phi esi sibini ngokokwazi kwakho ibali, sivela kwenza ntoni? (2)

4.1.4 Ebesebenza phi uEddie? (1)

4.1.5 Inika owuphi umfanekiso ngqondweni intetho ethi, "Izidumbu ziyintlama". (2)

**[8]**

4.2 Akwazeki nokuba yayizezomqhele okanye ezokuthandwa kwehombo kodwa ikho eyabangela ukuba athi engena nje endlwini uLinda abe edzulela kwityesi yakhe yempahla emva kokuhamba imigama ebetha ngesibheshu phezu komnweba wokuvuka. Wafikela etyesini kodwa – wayivula.

Wayicukula nganye nganye loo ntlaninge yempahla, eyibuka ngomdla kuloo manqwanqwa okuxhoma. Wayibuka ngakumbi yona impahla engeba wayeyinxibile ukuba wayephume noEddie ngobo busuku.

Uwubonile umqhakazo webhatyi yakhe entsha – eyona iyeyegugu kuye neyona athembele ngayo xa selefuna ukubagqwalisa oogxa bakhe. Uthe akuyijonga, wazikhumbula izikhova awazincamayo mhla wayinyula.

4.2.1 Ngonjani umntu onomqhele? (1)

4.2.2 Luhlobo lwesinxibo esinjani isibheshu? (2)

4.2.3 Kukuthini ukucukula? (2)

4.2.4 Sithini isizathu sokuba uLinda angaphumi noEddie ngobo busuku? (2)

4.2.5 Nika elinye igama elithetha into enye negama elithi “Oogxa bakhe” (2)

[9]

4.3 Ngephanyazo nje engene uHlobo loo ndlu ibe ngumbhodamo. Impahla iphoswe ngapha nangapha, kuphendlwa nesibi esasilapho. Wayebangatshona ngapha, abuye ze umcuphi wabantu.

Kwakucacile ukuba uEddie lo wayengumntu onomdla kwizinto ezininzi. Kwakuzele apho yingqokelela yezinto ngezinto – ukusuka kwezakhayo de kuye kwimfitshimfitshi yamabhinqa.

Kuloo mgubhululo, eyaba yeyokugqibela kuHlobo yaba kukufunda nganye nganye kwisipha seencwadi ezazibhalelwe uEddie. Inkoliso yazo yayizezivele kuLinda. Uziphe ixesha umfo kaHlobo, enyamezela ukuva lo mfeketho yeendaba zomfazi obhala ethe thwanga lisoka lakhe. Wayephatha kudibana nemfitshimfitshi yobukhwele, ibe ngamasososo okungaphumeleli kwakhe edingeni labo noEddie, ibe kukubhobhoza kwakhe ngempahla entsha, ibe kukuphindaphinda ebisenzeka ngomhla othile benoEddie – yonke loo nto ixelwa umntu oyaziyo ebisenzeka.

4.3.1 Yintoni umsebenzi kaHlobo? (1)

4.3.2 Ithini inombolo nesitalato sale ndlu ayindwendweleyo uHlobo? (2)

4.3.3 Ufike kukho bani befuna ntoni apho? (3)

4.3.4 Yintoni ubukhwele, ucinga ukuba ifanekile emntwini lo nto? Xhasa impendulo yakho. (3)

4.3.5 Chaza umxholo weleta ebhalwe nguLinda ebhalela uEddie ethe yafunyanwa ngulo kaHlobo. (3)

[12]

- 4.4 Kusesikhululweni samapolisa. Lilapho ityendyana lomfana lize kuqonda ngokuvalelwa kukasisi walo, usisi Linda. UDick uvuyiswa kukumbona, aqonde ukuba uza kufumana ithuba lokumncina ukuze afumane obunye ubungqina. Ufumana ithuba lokuncina lo mfana malunga nomphe kaLinda. Kuthi ngalo olu suku kufowune igqwetha likaLinda ngenjongo yokufuna ukuqonda ngokuvalelwa kukaLinda, kuba sele kuphele iiyure ezingama-48 evalelwe. Igqwetha lifuna ukuqonda ukuba uvalelwa njani umntu ixesha elingako engabekwanga tyala.

- 4.4.1 Ngubani eli tyendyana lomfana, nika igama nefani? (2)
- 4.4.2 Ngongakanani umfana olityendyana? (1)
- 4.4.3 Ngubani lona eli gqwetha likaLinda? (1)
- 4.4.4 Uthi okaHlobo yintoni isizathu sokuvalelwa kukaLinda ngaphezulu kwexesha elisemthethweni? (2)

[6]

**AMANQAKU ECANDELO A: 35****OKANYE**

**ICANDELO B: IDRAMA****UMBUZO 5****NDIYEKENI – DM Jongilanga: UMBUZO OMDE**

Ngqina intetho ethi, “Utywala zange benzela mntu nto” ngokuthi ungqiyame ngeziganeko ezenzeke ebalini.

**[35]****OKANYE****UMBUZO 6****NDIYEKENI – DM Jongilanga: UMBUZO OMFUTSHANE**

6.1 Funda ezi zicatshulwa zilandelayo uze uphendule imibuzo.

Maziko:	Kanti ukuba benisazi! Ndixhapse ndisom’amagwebu ndicamagusha, ndafa namthanyana. UDicksie lo angandingqinela. Ngaphaya koko, uDicksie uxhelwa ngumntu onezakhe izishiqi, koko azinamaneki-lucingweni.
Zingiwe:	Unyanisile Sammy makungalalwa. Abayi kuze batye amanzi abam abantwana. Ndakumenza azi ukuba inkwali iyakwazi ukuphandela enye ingenathole.
Maziko:	Kanti unyanisile ingathi uyadlala nje. Eli lizwe alifuni nkenenkene. Ukuba indoda ikutshisa ngesomnga isikhuni yityabule nayo ngentsimb’ebomvu.

- 6.1.1 Kukuthini ukuxhapha amagwebu? (2)
- 6.1.2 Ngubani lo kuthiwa naye unezakhe izishiqi? (1)
- 6.1.3 Cacisa ngamagama alula oku. “Abasayi kuze batye manzi abam abantwana” (2)
- 6.1.4 Sebenzisa igama, **ukuphanda** kwizivakalisi ezibini ukuze linike intsingiselo ezohlukeneyo. (4)
- 6.1.5 Ngabanjani abazinkenenkene. (2)
- 6.1.6 Kukuthini ukucamagusha? (2)
- 6.1.7 Yakha iqhalo usebenzisa igama, isikhuni. (2)
- 6.1.8 Ucinga ukuba ilungile into yokuba umntu okwenzele ububi nawe umphindezele ngobubi. (3)

**[18]**

- |     |         |  |
|-----|---------|--|
| 6.2 | Funeka: | Huntshu! Mntanasekhaya! Izele thole lini Zan?  |
|     | Zanele: | Wethu! Kufuneka ndihlabe ndikhangele hleze kuthi kanti ndizibindisa ngenyok'ephunga umhluzi.                           |
|     | Funeka: | Zifake iinzipho zitshone nophoyiyana uyaqhuqha abe nguchwenene.  |
|     | Zanele: | Funeka, my sister, ndalamile, ndixakwe nje yinto yokuba lo mfo ngunomgcana, ndingathandi ukuba makaqhelane nokunxanwa. |
|     | Funeka: | Kulunge oonomgcana abo kanye. Akuqondi?  |

6.2.1 Eli gama lithi, "Huntshu" litolika:

- (a) Ukuvelana
  - (b) Ukuphumelela
  - (c) Ukuqinisekisa
- (Khetha ibe nye kwezi zingentla.) (1)

6.2.2 Cacisa le ntetho ukuba ithetha ukuthini: "Izele thole lini" (2)

6.2.3 Ngubani lo nomgcana kuthethwa ngaye? (1)

6.2.4 Kutheni kusithiwa ngunomgcana nje? (2)

6.2.5 Yintoni injongo yokuba uZanele azidibanise nalo nomgcana? (2)

6.2.6 Ingaba yaphumelela le njongo. Xhasa impendulo yakho. (2)

6.2.7 Ngonjani umntu onxanwayo? (2)

6.2.8 Gqibezela unike nentsingiselo yeli qhalo, "Ungalahli ... yakho ngophoyiyana" (3)

6.2.9 Chonga apha kwisicatshulwa ibinzana elithetha, "ukudibana nenkathazo" (2)

[17]

**AMANQAKU ECANDELO B: 35**

**OKANYE**

**ICANDELO C: AMABALI AMAFUTSHANE****UMBUZO 7****NDAKUYICEL'IVUTHIWE – LL Ngewu & EZ Guqa: UMBUZO OMDE**

Iqhelekile apha eluntwini into yokuba abantu okanye abantwana abanengxaki ngesini sabo bangamkeleki. Apha kwibalana elithi, “Kanti andizenzanga”, umbhali uzama ukusifundisa ntoni ngale mposiso? Chaza ngokomxholo weli balana.

**[35]****OKANYE****UMBUZO 8****NDAKUYICEL'IVUTHIWE – LL Ngewu & EZ Guqa: UMBUZO OMFUTSHANE**

8.1 Funda ezi zicatshulwa zilandelayo uze uphendule imibuzo.

Inkundla ibigcwele kungekho nendawo yokunyathela. Ummangali ebefutha ngumsindo, equmbe esisifu kangangokuba ukuba ebelizulu abanye abantu ngebesithi usibekele, bambi bathi uhlomile.

8.1.1 Sithini isihloko seli balana? (1)

8.1.2 Nika igama lo mmangali? (1)

8.1.3 Mingaphi iminyaka yommangali lo? (1)

8.1.4 Singathi xa siqaqambisa lo msindo wakhe, sithi wayefutha okwe ... (1)

8.1.5 Inkangeleko yalo mlinganiswa imchaza ukuba uphila kweliphi ixesha? Nika izizathu zempendulo yakho. (3)

**[7]**

8.2 Kwelinye icala lenkundla bekuhleli ummangalelwa. Ubehleli kwisitulo ebesilungiselelwe yena buqu ezolile engashukumi nokushukuma ngokungathi ngumfanekiso oqingqiweyo. Abantu bedla ngokuheshela iimpukane ezibaphazamisayo nje le ndedeba yona ibingazidubi koko iziyeka ezoo mpukane zizidakasele kobo buso bayo bumpuluswa zimke ngokudikwa.

8.2.1 Nika igama lo mmangalelwa. (1)

8.2.2 Ngunyana kabani, wasemanini ummangalelwa (isiduko)? (2)

8.2.3 Ibimingaphi eyommangalelwa iminyaka? (1)

8.2.4 Yintoni izizathu sokuba umbhali amfanise nomfanekiso oqingqiweyo lo mlinganiswa? (2)

8.2.5 Chaza inkangeleko yalo mlinganiswa njengoko echazwe ngumbhali. (3)

**[9]**

8.3 Ingqwayizile ukuphuma le ntwezana enkundleni icuntsula kanobom kule nto yabantwana izintama ubuntwana bayo ngokwenza oko. Umntu obukeleyo uqondile ukuba eli iza kuba lityala ngobutyala balo. Ibikho nentatheli yephephandaba ebiquondele phantsi kuqondakala kakuhle ukuba ikhethwe yakhutshwa ngokuthenjwa ngenxa yobungcali bokukwazi ukuqokelela kwanto kwinto efana neli tyala.

- 8.3.1 Ibinjani intliziyo yalo kuthethwa ngaye? Caphula apha kwisicatshulwa amagama achaza oko. (3)
- 8.3.2 Ibilityala lantoni eli? (1)
- 8.3.3 Nika isithetha ntonye segama “Intatheli” (1)
- 8.3.4 Ngubani umtshutshisi obechophele eli tyala, wayedume ngantoni? (2)
- 8.3.5 Sithini isizathu sokuchotshelwa kweli tyala ngumantyi osele ekhulile ngeminyaka? (2)
- 8.3.6 Igqwetha lalinophawu olufanayo nelommangalelwa, loluphi olu phawu, ucinga ukuba yintoni isizathu soko? (3)
- 8.3.7 Sitheni isiphelo seli tyala? (1)
- 8.3.8 Nika izizathu ocinga ukuba zibe negalelo kwisigwebo seli tyala. (6)

[19]

**AMANQAKU ECANDELO C: 35**

**OKANYE**

**ICANDELO D: ISIHOBE****VUKANI MADODA KUSILE**

Phendula nayiphi imibuzo emifutshane emiBINI.

**UMBUZO 9**

Funda lo mbongo ungezantsi uze wandule ukuphendula imibuzo elandelayo.

	“Ungumnqantsa onzima Wena mmangondini! Unditsho ndixhuzule Okoqhawukayo;
5.	Ndikhefuzele Okoxinwe ngumbefu; Kutshise nesifuba; Ndiphethwe liphika;
10.	Kodw'uyakuncama Andizikutyhafa; Ndazi kamhlophe Umzingisi akanashwa;
15.	Kad'inzondelelo Izal'impumelelo; Ibuy'impumelelo Izal'impumelelo.”
20.	Yayisitsho k'imoto Inyuka iqhina; Ifunzele phambili Apho iyayo.

- 9.1 Umnqantsa yindawo (engumqengqelezi/enyukayo). Khetha impendulo efanelekileyo kwezi zikwizibiyeli. (2)
- 9.2 Sebenzisa igama “Iqhina” kwizivakalisi eziBINI ukubonakalisa iintsingiselo ezahlukeneyo ngokomxholo wombongo nangaphandle kombongo. (4)
- 9.3 Isimamva u-**ndini** kumgca wesibini sisetyenziselwe ukubonisa ntoni. (2)
- 9.4 Ngumfanekiso-ngqondweni wantoni akwakhela wona umbhali kwisitanza sesibini? (3)
- 9.5 Nika isichasi segama “ukutyhafa”. (1½)
- 9.6 Lithetha ukuthini iqhalo elithi: Umzingisi akanashwa? (2)
- 9.7 Ithini imfundiso ephambili yalo mbongo? (2)
- 9.8 Kukuthini ukuzondelela? (2)

**[17½]**

## OKANYE

## UMBUZO 10

Funda lo mbongo ungezantsi uze wandule ukuphendula imibuzo elandelayo.

- Hay'ubuhle benu mithindini!  
 Niluhlaza kanye ngokwenene.  
 Amehl'aziv'ephumla akunijonga,  
 Nibe nina niziyekelele ngokwenene
5. Nenziwa ziintloni okanye ngamabhongo na?  
 Kwowu! Hayi noko; ingekuko nina.  
 Ninj'ukuba nothando!
- Ninothando kuba niyizolele indalo yonke;  
 Amahobohobo aphumla kuni nonke;
10. Ikwangaw'akhayo emaseben'enu;  
 Ninothando, kuba nomhamb'uphumla phantsi kwenu,  
 Aphozis'ubushushu kumthunz'obandayo wenu.  
 Ninothando, kuba ngasemanzini kukuma kwenu.  
 Ngokunjalo ke nembeko ninayo.
15. Ninembeko nakuw'umoya:  
 Nangon'unithatha unibhekise ngapha nangapha,  
 Anilukhunanga ngokwemith'emidala -  
 Niyawuthobela ngembeko ngapha nangapha.
- Mingcunube! Imilamb'imihle nje nini.
20. Kodwa ke nina aniziqhayisi-  
 Nihleli loo ntlalo yokuzithoba nanamhla.

- 10.1 Umgca wokuqala kwisitanga sokuqala uveza ntsingiselo ni kulo mbongo? (1)
- 10.2 Kudla ngokuthiwa ingca iluhlaza ... Gqibezela. (1½)
- 10.3 Caphula apho imbongi isebenzise umbuzo buciko. (1)
- 10.4 Chonga isimntwiso kulo mbongo uchaze ukuba siphuhlisa ntoni? (1)
- 10.5 Yintoni ihobohobo, laziwa ngobuphi ubuchule endalweni yalo? (2)
- 10.6 Dwelisa zonke iimpawu zobuntu zomNgcunube. (3)
- 10.7 Ithini intsingiselo engavezwanga ngumbhali ngalo mbongo? (2)
- 10.8 Lo mthi uluncedo eluntwini, caphula umgca obonisa oko. (1)
- 10.9 Ingaba imingcunube iyinika njani imilambo ubuhle? (2)
- 10.10 Kukuthini: “ukuqhayisa” ngokomxholo wombongo eli binzana lisetyenziselwe ukubonisa ntoni? (3)

[17½]

## OKANYE

### UMBUZO 11

Funda lo mbongo ungezantsi wandule ukuphendula imibuzo elandelayo.

	Kukho nto ithile ndiyithanda kunene, Le nto ingumhlobo wenene; Ongenakuhlekisa ngeengxaki zam, Othi ndihlelwe yinto avelane nam.
5.	lintlupheko zam zaziwa nguye, Intlungu yam ndiyiphalaza kuye; Uncedo endilufunayo uyandinika, Nento emhluphayo uyayibika.
10.	Uyandicebisa xa endibona ndiphuma endleleni, Andikhuphe xa ndeyel'emgxobhozweni; Akandiqhwabeli zandla xa ndisiy'eliweni, Ndoqabela emagxeni akhe xa nditshon'ezindongeni.
15.	Mandihlabebe ndawen'ithile andikhoth'amanxeba, Ayibophe intliziyo nkqi ngathi ibotshwe ngomnxeba, Ukuze ndingakuva ukuqaqamba kwenxeba, Lithi nqum ngathi litywinwe ngomthwebeba.
20.	Uyandikhaphela kwindlela eziya kubulungisa, Andithi chu ngesandla ukuya kwampumelelo, Endikhuthaza, "umzingisi akanashwa" Ndohamba de ndiye kwayiwayo
	Uyandikhuthaza kwimizamo yam, Andomeleze xa ebon'inkqubela, Ungumthuzeli wentliziyo yam, Engumomelezi wengqondo yam.

- |      |   |      |
|------|---|------|
| 11.1 | Nika isihloko salo mbongo.  | (1½) |
| 11.2 | Ngokwalapha kulo mbongo yintoni umhlobo?  | (2)  |
| 11.3 | Nika intsingiselo yokuqhwyatwa kwezandla ngokwalapha embongweni, neziMBINI ezahlukeyo ezingaphandle kombongo. | (3)  |
| 11.4 | Caphula igama kwisitanza sesithathu elichaza indawo enamanzi nodaka.  | (2)  |
| 11.5 | Sesiphi isinambuzane esithi sisebenzise umthwebeba ukuvala indlwana yaso, ngeliphi ixesha lonyaka, ngoba?     | (4)  |
| 11.6 | Kumgca wesine kwisitanza esibini kusetyenziswe igama "uyayibika". Yintoni ethi ibikwe kwaXhosa?               | (2)  |

- 11.7 Kuthetha ukuthini ukukhoth'amanxeba? Chaza unxulumano oluphakathi kwentsingiselo yoku nesihloko sombongo. (3)

[17½]

## OKANYE

## UMBUZO 12

Funda lo mbongo ungezantsi wandule ukuphendula imibuzo elandelayo.

5.	Ngubani n'ongasifuniy'isidima? Ngubani n'ochasene negam'elihle? Ngulow'unomlomo ongenasiziba, Ongakwaz'ukugcina negam'elinye. Ngulow'ungasabi mazwi andumbisa. Ngulowo untethw'ithand'ukuhlungisa
10.	Umnt'onesidim'akazityandi gila. Akaqhayisi ngazwi endimbaneni. Amazw'angaphucukang'uyawazila. Wotheth'intw'iy'esidlangalaleni. Wozol'azibulung'ancokole kuhle, Ahleke kodw'angahlek'ad'aphuthe.
	Ngumzili ziseko ngomhla wendibano. Ngulowo uziqwebel'umfaneleko. Low'uzinyamekelayo ngezambatho. Ngulow'uzindilayo ngemfaneleko. Ingcath'intw'engawoleliy'esiswini. Intw'engathand'ukunxib'ihlaz'esiqwini.
20.	Ngulowo ungahamb'ekruqul'abantu, Engen'ezindlwini zab'imihla yonke. Lowo akasenasidima kubantu. Abantu abasamlangazeleli bonke Yena umntu makabathande abantu. Makancokole ke ngesonto kaloku.

- 12.1 Nika isafobe esisetyenziswe kumgca wokuqala nowesibini kulo mbongo. (1)
- 12.2 Ithetha ukuthini imbongi xa isithi:  
A. Ngulowo onomlomo ongabekwa siziba.  
B. Ingcath'int'engawoleliy'esiswini. (4)
- 12.3 Nika isilanduli segama, **ukukhulula** kwisitanza sesithathu. (1)
- 12.4 Igila lifumaneka kwi ... (Khetha echanekileyo kwezi zilandelayo)  
A. nkukhu  
B. nja  
C. ngonyama (1)

- 12.5      Kukuthini **ukulangazelela**? (1)
- 12.6      Sithini isihloko salo mbongo. (1½)
- 12.7      Kukuthini ukuzila? KwaXhosa kuzilwa xa kutheni? Ngoobani abazilayo?  
Ucinga ukuba ilungile loo nto? (3)
- 12.8      Xa umntu engayithethi into esidlangalaleni sithi uyithethela e ...  
(Gqibezela) (1)
- 12.9      Chaza iimpawu ezizizo zomntu onesidima ezibalulwa ngumbhali. (2)
- 12.10      Ngotheni umntu ongathandwayo ngokutsho kombhali? (2)
- [17½]**

**AMANQAKU ECANDELO D:      35**

**AMANQAKU EWONKE:      70**